

A Glywi Di?

Gwenan Gibbard

A glywi di'r daran yn tori?
A weli di'r fellten fan draw?
Nid storom sy'n bygwth o gwbl,
Nid storom o wyntoedd a glaw.

Ond rhyfel yw'r sŷn ar y gorwel,
A'r bomiau sy'n tanio fel mellt,
Mae rhywun yn marw yn rhywle,
A'i gwaed sy'n gymysg a'r gwellt.

Mae plentyn i rhywun mewn perig,
A baban i rhywun mewn poen.
Mae dychryn yn llenwi ei llygaid,
A phryfed a gwaed ar eu croen.

Mae'r brenin yn bregliach am ryddid,
A'i gydlywydd yn mali am hawl,
Tra bo'r mamau yn ffoi rhag yr angau,
A'u rhyddid yn eiddo i'r diawl.

A glywi di'r lleisiau yn galw?
A weli di'r gwaed ar y sryd?
Mae'r bobol yn gwaeddi am heddwch,
Yn gwaeddi am heddwch o hyd.

A ni sydd yn cwyno am gynydd,
A'n harfau mor loyw a glan,
Oni allwn i estyn ein dwylo
A thynni y plentyn o'r tan.

Oni allwn i estyn ein dwylo
A thynni y plentyn o'r tan.

Lyrics Submitted by Brian Thomas

Lyrics provided by
<https://damnllyrics.com/>